



Simjsauj Aeu Doxhuz

□ Veiz Yiyenz Lij Veimeiz / 韦义贤 李会梅

Gyoengqvunz youq lajdeih,
Miz boux ndei boux yak,
Mingh ndei riugakgak,
Mingh yak cag cug hoz.

Guh bouxvunz hwnjdaeu,
Yawj raeuz dwg maz mingh,
Seng daeu mbwn cawqdingh,
Saenzlingz mbouj ndaej gaij.

Lajmbwn faen mbouj bingz,
Mbang mingh ndei dangqmaz,
Mbang boux doiq gvanbaz,
Bae reihnaz doxgaen.

Beij haeuj laeng gou daeu,
Gou ndang saeu ndang saenz,
Haq deng ranz mbouj baenz,
Dangq rin daenz gwnz dungx.

Ngamq haq vuenh diegmabanj,
Seiq gak ranz cungj haenh,
Naeuz gou guh hong baenz,
Faen ngaenz mbouj luenh yungh.

Goyez gou cix dij,
Mboujmiz gijmaz you,
Swiq vanj faeg byaek mou,
Mbouj yungh gou bae guh.

Mbat miz lwg miz lan,
Cien ranz cungj luenh caez,
Mbouj gangj naeuz doxgyaez,
Faex raez lap dingj gyaeuj.

Caen doxceng doxdaeuq,
Cungj youq mbouj cingsaenz,

Vihliux ceng cienzngaenz,
Guh baenzbaenz mbouj dwg.

Mbat haeujma daengz ranz,
Faexhanz doq roq gyaeuj,
Gou siengj buet okdaeu,
Gaem fouj boenq baihlaeng.

Aeu ndaej song boux bawx,
Guh lawz naeuz mbouj ndei,
Raeuz gwed gvak gwed gei,
Caiq gwn heiq fuz fanh.

Bawxlaux ngeiz bawxngaih,
Cungj ngeiz faen mbouj bingz,
Hawj daengneih lai lingh,
Bae yienhsingz cawx ranz.

Mwngz guenj hawj daengneih,
Caiq ndaej cawx ranz moq,
Bawxlaux guenj mbouj goq,
Goj bae lajroq ninz.

Faenh raeuz guh vunzlaux,
Cungj lau lwg mbouj miz,
Dajhong giz dem giz,
Caiq ciq ngaenz aeu hawj.

Daeglau caeuq daengneih,
Gou sim ngeix doxdoengz,
Hung nyaeq mbouj bae loeng,
Ngaenz doxdoengz faen hawj.

Bawxlaux cix boemz gu,
Mboenjgyu bawxngaih ndek,
Ceng dwk ranz yaek dek,
Mbei meh dek liux caez.

Raen bawxlaux doxceng,
Bawxngaih nyengq ndang daeu,
Gou ndang saenz ndang saeu,
Mbouj ndaej naeuz saek coenz.

Bawxlaux dinfwngz hwnj,
Coh mbwn cuengq sing hemq,
Daengx mbanj vunz daeu demq
(yawj),
Naj dou remj(saetlaex) yaek dai.

Bawxngaih cix mbouj fug,
Bek dinfwngz mbouj dingz,
Naeuz cungj naeuz mbouj dingq,
Ceng daengz hingz cij youq.

Song boux bawx doxceng,
Cax rae deng rin genq,
Bouxbox cix bak geng,
Daj haet ceng daengz haemh.


Gvan hix gvan mbouj baenz,
Raek raem mboujmiz yungh,
Ma rug ninz gutgungq,
Dangq nya 'nyungq diengz mou.

Daengq gak boux simjbaj,
Daihgya geiq ndawsim,
Lwgbawx dij dangq gim,
Caezsim caux gyadangq.

Dawz vanj cuengq haeuj ringj,
Nanzmienx dingqny sing,
Simjsauj caez doengzsim,
Ciengim cawx mbouj ndaej.

Beixnuengx dem simjsauj,
Yaek gauj ndei donzgez,
Caez hauqgingq bohme,
Ce hawj daihlaeng hag.

Simjsauj raeuz doxndei,
Seiqseiz cungj vuenheij,
Mboujmiz gijmaz heiq,
Bi seiqgeiq fatcaiz.



Fwjhaemh byaimbwn daengh gingj ndei. (mbawdoz swhliu)

Daengngoenz Baihdoeng Mbouj Rox Doek

——Cimh Riz Bak Bi Cungguk Gungcanjdangj

□ Cingh Swmungz / 清似蒙

Dwkfanj (镇压反革命) aeu ndaej hingz,
Lwgminz comz ndaetndwt,
Dangj ceihguk rengzrwd,
Guh hoenghhwd gwnzbiengz.

Guh "sam fanj" "haj fanj",
Dangginz caemh diuzsim,
Daengx guk caez doenghning,
Laeb yinzminz gunghe.

Bungz sam bi gunnaz,
Doengzcae ram gvaqdaeu,
Ngoenz boux geij liengx haex,

Doxcaeuq dingj diencai (天灾).
Roengzrengz "guh sam sienq" (三线建设),
Gaijbienq yiengh doeklaeng,
Gunghyez hung guhbaenz,
Gitgaz laengz mbouj youq.

Sizyangz (昔阳) noix gaiq gwn,
Gyoengqvunz bae buek guh,
Dacai (大寨) Dangjicibbu,
Gaij dieg guh reihnaz.

Miz nanz dox bangcoengh,
Leiz Fungh cingsaenz ndei,
Dangj heuh vunzlai ei,

Daengx biengz caez raeujrub.

2. Diegguk Hen Ndae Maenh

Gunghozgoz laebbaenz,
Gaeq haen coux ranzrongh,
Daengngoenz hwnj ciemh ndongq,
Ciuq rongh daengx lajmbwn.

Vunzrwix lau mwngz ak,
Vunzyak lau mwngz baenz,
Cien fueng bak geiq laengz,
Mbouj hawj mwngz baenaj.

Meijgoz gok ceiq raez,

De gyaez byah gukwnq,
Lau raeuz guh ndaej hwnj,
De mwnqmwnq cap bing.

Comz bing haeuj Cauzsenj,
Feiz remj naj bakdou,
Gukyak yaek dawz mou,
Htdingh aeu hen gvaengh.

Daihbuok ceiqnyienhbing (ciyenginh),
Hamj din Yazluzgyangh,
Hen guk hen ranzmbanj,
Dangj "Bing Lenzhozgoz".